



INSTRUCCIÓN 1/2017, do 25 de xaneiro, da Secretaria Xeral de Universidades, para iniciar o procedemento de avaliación do rendemento da fase de estadia do persoal investigador contratado polas universidades do Sistema universitario de Galicia (SUG) ao abeiro do Programa de apoio á etapa inicial de formación posdoutoral, modalidade A, do ano 2014.

A Orde do 24 de xullo de 2014 (DOG núm. 147, do 5 de agosto) pola que se establecen as bases para a concesión das axudas de apoio á etapa inicial de formación posdoutoral recolle no artigo 6 do anexo I o procedemento de avaliación do rendemento para a fase de estadia das persoas contratadas con cargo á modalidade A deste programa.

De acordo con este artigo, unha vez transcorridos 21 meses de estadia as universidades beneficiarias terán que remitirle á Secretaria Xeral de Universidades un informe, xunto cunha memoria asinada pola persoa contratada e pola persoa responsable ou coordinadora do grupo de investigación, sobre o grao de cumprimento do plan de estadia. Dado que neste mes se cumplen os 21 meses de estadia para os contratos que comenzaron el 29 de abril de 2015, cómpre iniciar este procedemento de avaliación do rendemento.

De acordo co Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria, correspónelle á Secretaría Xeral de Universidades contribuir á ordenación e complementariedade das capacidades investigadoras do SUG, seguindo criterios de excelencia e consolidación no ámbito dos obxectivos que estableza o Plan galego de investigación, desenvolvemento e innovación tecnolóxica.

En consecuencia, en uso das competencias que teño atribuídas como secretario xeral de Universidades, dito a seguinte instrución:

1. Iniciar o procedemento que permita a avaliación das persoas investigadoras contratadas no Programa de axudas de apoio á etapa inicial de formación posdoutoral, modalidade A, da convocatoria do ano 2013, que se atopan a piques de rematar o seu período de estadia no estranxeiro, de acordo co procedemento establecido no artigo 6 do anexo I da 24 de xullo de 2014 (DOG núm. 147, do 5 de agosto).
2. Para tal fin, as universidades beneficiarias deberán remitir, con data límite do 20 de febreiro de 2017, un informe acompañado dunha memoria asinada pola persoa contratada e pola persoa responsable ou coordinadora do grupo de investigación, sobre o grao de cumprimento do plan de estadias, no que



indicará os períodos de estadias efectivamente cumplidos especificando, no seu caso, as modificacións producidas e a súa causa con respecto ao plan de estadias presentado coa solicitude.

3. Con obxecto de coñecer o rendemento científico acadado nesta fase, o informe da universidade e a memoria que o acompaña deberán describir o traballo realizado por cada unha das persoas contratadas así como o grao de adecuación das actividades desenvolvidas ao seu plan de traballo previsto para ese período. No caso de que se produzcan modificacións sobre as previsións iniciais deberanse motivar e explicar a súa incidencia no proxecto presentado. A documentación presentarase en formato libre e a memoria deberá ter unha extensión de entre 2.500 e 4.000 palabras

4. Complementariamente, e para verificar o cumprimento do período mínimo de 21 meses esixido na fase de estadia, as universidades beneficiarias deberán remitir á Secretaría Xeral de Universidades, con data límite do 15 de marzo de 2016, un certificado emitido polo centro receptor ou centros receptores no que se indique o período de tempo en que a persoa contratada permaneceu neles.

5. No caso daquelas persoas que iniciaron o contrato con posterioridade ao mes de abril de 2015 ou daquelas que tiveran o cómputo do contrato interrompido por alguma das causas indicadas no artigo 14 da orde de convocatoria, deberá remitirse o informe da universidade e a memoria cunha antelación mínima de 45 días con respecto ao inicio teórico do contrato de retorno, e o certificado emitido polo centro receptor ou centros receptores con 15 días de antelación.

6. O informe, a memoria e a documentación complementaria serán avaliados pola Secretaría Xeral de Universidades, que poderá contar co asesoramento de expertos externos, e será preciso obter unha avaliação positiva e realizar un mínimo de 21 meses de estadia nesta fase para acceder ao contrato na fase de retorno.

Santiago de Compostela, 1 de febreiro de 2017

O secretario xeral de Universidades

José Alberto Díez de Castro